

Kosalisa Buku na Nzambe - Comfort Scriptures

2 Bakorinto 1:2-4 Ekoki Nzambe Tata na biso mpe Mokonzi Yesu Kristo bapesa bino ngolu mpe kimia. 3 Tosanjola Nzambe Tata na Mokonzi na biso Yesu, Tata oyo atondi na boboto, Nzambe oyo apesaka biso lisungi na ye ntango nyoso! 4 Ye asungaka biso na mpasi na biso nyoso, mpo ete tokoka kosunga batu oyo bazali kozwa ndenge nyoso na mpasi, kopesa bango lisungi oyo biso mpenza tozwaki na maboko na Nzambe.

Maloba Mayele 15:13 Motema ya esengo emonanaka na elongi, kasi mpasi ekumisaka motu mawa.

1 Bakonzi 8:66 Na mokolo ya mwambe, mokonzi Salomo azongisaki Baisraele na bamboka na bango. Bayaki kopambola mokonzi, nsima bazongaki na mboka na bango na esengo mpo na bolamu nyoso oyo Nkolo asalaki mpo na mosali na ye Davidi, mpe mpo na ekolo na ye ya Israele.

1 MakamboBakonzi 16:10 Bosepela mpo ye azali mosantu; bino batu botosaka Nkolo, bozala na mitema na esengo.

Maloba Mayele 12:25 Kozala na mawa na motema elembisaka nzoto na motu, kasi maloba ya kitoko epesaka ye makasi.

Maloba Mayele 13:12 Elikia oyo ekokisami noki te, epesaka motema mpasi; kasi mposa oyo ekokisami ezali nzete ya bomoi.

Isaya 30:26 Sanza ekongenga lokola moi mpe moi ekongenga mbala nsambo lokola moi ya mikolo nsambo; mokolo wana Nkolo akokanga bampota ya ekolo na ye mpe akobikisa bampota oyo ye azokisaki bango.

Osea 13:8 Nazali kobundisa bino lokola urusi ya mwasi oyo babotoli bana na ye. Nazali kopasola mpe ntolo na bino. Nakolia bino lokola ntambo mwasi mpe banyama ya zamba bakopasola bino biteni biteni.

1 Samuele 1:8,10 Mobali na ye Elekana atuni ye: "Ana, mpo na nini ozali kolela? Mpo na nini oboyi kolia? Mpo na nini okumi mawamawa boye? Mpo na yo, ngai naleki bana zomi te?" 10 Motema ya Ana etondaki na mawa, asambeli Nkolo na mai na miso.

Njembo 25:16-19 Nkolo, pasana epai na ngai, yokela ngai mawa; mpamba te nazali motu ya mawa mpe natikali ngai moko. Kitisa motema na ngai; longola ngai makanisi oyo nazali na yango. Nkolo azalaka penepene ya batu oyo mitema na bango elembi; mpe abikisaka baoyo bazali lisusu na elikia te.

Njembo 38:9 Nazali lisusu na makasi te, nalembi mpenza; motema na ngai ezali kotuta, naleli mpo na mpasi.

Njembo 55:5 Motema na ngai elengi na kobanga, mpe kobanga ya liwa ezwi ngai.

Njembo 61:3,4 Nalembi, nazali kobenga yo, ata nazali mosika, na nsuka ya mokili. Mema ngai kino na ngomba ya molai, esika oyo nakoki kokuma

te. 4 Mpamba te yo ozali Mobateli na ngai; ozali lopango ya makasi liboso ya banguna.

Njembo 62:9 Bino batu bozala na elikia epai na Nzambe, bopesa makambo na bino nyoso epai na ye; ye azali esika na biso ya kobombana.

Njembo 73:26 O Nzambe, nzoto na ngai mpe motema na ngai elembi; kasi yo ozali makasi na ngai mpe mosolo ya ngai libela.

Njembo 77:3,4 Na ntango ya mawa nalukaka Nkolo, butu mobimba natombolaka maboko epai na ye; naboyaka bakitisa ngai motema. 4 Soki nakanisi Nzambe, naleli; soki nakanisi mingi, makasi na ngai esili.

Njembo 86:11 Nkolo, bongisa motema na ngai mpo natosaka yo; lakisa ngai nzela na yo, natambola ndenge yo olingi.

Njembo 109:22 Nazali motu ya mawa mpe mosikini; nazoki na kati ya motema.

Njembo 112:7,8 Abangaka nsango ya mabe te; na motema moko, atiaka elikia epai na Nkolo. 8 Azalaka na motema makasi, abangaka te; ayebi ete banguna na ye bakokweya.

Njembo 143:4 Makasi na ngai nyoso esili; motema na ngai elembi mpenza.

Njembo 147:3 Abikisaka batu na motema na mawa; akangaka bampota na bango.

Maloba Mayele 14:30 Kimia ya motema epesaka nzoto makasi; kasi zuwa epesaka motu malali kati na mikuwa.

Maloba Mayele 15:13 Motema ya esengo emonanaka na elongi, kasi mpasi ekumisaka motu mawa.

Mosakoli 1:13 Nalukaki na motema moko koyeba ntina ya makambo nyoso oyo esalemaka na mokili. Yango ezali mosala ya mpasi oyo Nzambe apesaka batu!

Mosakoli 2:10 Namiboyaki kopesa eloko moko te oyo nazalaki na mposa na yango, ezala ata esengo ya ndenge nini. Nasepelaki na misala nyoso oyo nazalaki kosala, mpe yango nde ezalaki eteni na ngai.

Mosakoli 2:22,23 Bongo na ndenge wana, ntina nini batu bamiyokisa mpasi mpo na kosala misala nyoso oyo balingaka kosala awa na mokili? 23 Misala na bango ememelaka bango bobele mawa mpe mpasi mikolo nyoso; ata na butu, bazwaka mpongi te. Yango mpe ezali kaka mpamba.

Mosakoli 11:10 Boye longola makanisi ya mawa na motema na yo, mpe makambo ya mabe na nzoto na yo; mpamba te kitoko mpe makasi ya elenge esilaka noki.

Isaya 30:29 Bongo bino batu ya Yerusalem, bokoyemba ndenge bayembaka na bafete oyo basalaka butu mobimba; motema na bino ekozala na esengo lokola motu oyo atambolaka na mongongo ya flute na ntango ya kokende na ngomba ya Nkolo, epai ya Nzambe, Libanga ya Israele.

Isaya 57:15 Boyoka maloba ya motu oyo afandaka na likolo nyoso oyo

mboka na ye ezali ya seko, oyo nkombo na ye ezali Mosantu. Alobi boye: "Ngai Nzambe Mosantu nafandaka kuna na likolo, kasi nazalaka elongo na batu oyo balembi mpe bazangi lolendo, napesaka bango makasi.

Isaya 65:14 bakozala konganga na esengo, kasi bino bokonganga na bampasi, bokozala kolela mpo na mawa na motema.

Isaya 66:13,14 Ya solo, ndenge mama asalisaka motema na mwana na ye, ngai mpe nakosalisa motema na bino na kati ya Yerusalem. 14 Ya solo, bokomona yango, mitema na bino ekotonda na esengo. Mikuwa na bino ekozwa lusu makasi ya sika lokola matiti na ntango ya mbula ya liboso." Nkolo akolakisa nguya na ye mpo na basali na ye, kasi akolakisa nkanda na ye mpo na banguna na ye.

Yeremia 15:16 Nazwaki maloba na yo mpe naliaki yango; maloba na yo epesaki ngai esengo mpe kosepela na motema; mpamba te babengaka ngai na nkombo na yo, Nkolo Nzambe na nguya.

Yeremia 24:7 Nakopesa bango mayele mpo bayeba ete ngai nazali Nkolo. Bakozongela ngai na motema moko; bongo bakozala ekolo na ngai, mpe ngai nakozala Nzambe na bango.

Yoane 14:1 Yesu alobaki na bango: "Botika mitema na bino na komitungisa te. Bondima Nzambe mpe bondima ngai lokola.

Yoane 14:27 "Natikeli bino kimia, ezali kimia na ngai nde napesi na bino. Napesi yango na bino te lokola mokili epesaka. Botungisa mitema na bino te mpe bobanga te.

Yoane 16:6,22 Kasi mawa esili kotondisa motema na bino mpo nalobaki na bino likambo yango. 22 Bobele boye, bino mpe bozali na mawa sik'oyo, kasi nakomona lusu bino, mpe motema na bino ekosepela mpe motu moko te akolongola esengo na bino.

Misala Bantoma 2:46 Mikolo nyoso, moko na moko, bazalaki koyangana kati na bandako na Nzambe. Bazalaki kolia bilei na bango elongo kati na bandako na bango na esengo mpe na motema malamu.

Baroma 9:2 motema na ngai etondi na mawa monene mpe na mpasi oyo na kosila te.

2 Bakorinto 2:4 Boye, natindelaki bino mokanda kati na mpasi mpe na motema kokatana esikamoko na mai na miso mingi, ezali mpo na koyokisa bino mawa te, kasi ezali mpo ete boyeba ndenge nini bolingo na ngai mpo na bino ezali monene.

Baefeso 5:19 Bosolola kati na bino na njembo, njembo na kosanjola, mpe njembo na Molimo. Boyemba epai na Mokonzi, njembo na Molimo mpe njembo, kosanjola ye na motema nyoso na bino.